大 壯 卦 第 三 十 四 (下乾天 上震雷 - 雷天大壯卦)



大壯:利貞。

- 陽稱大,氣力浸強曰壯,卦象陽氣增長既多,是大者盛壯之象,亦象徵君子 之道正旺也,故稱大壯。而大壯之時,利於謹守正道。
- 2. 大壯喻事物正處於發展壯盛之時,當以守正處壯始獲吉祥。且不可恃強用壯,而要能謙退持中。
- 3. 劉沅曰:此二月之卦也,正月泰卦,陽雖長而未盛,三月夬卦,陽已盛將衰,皆不可言壯。惟四陽則壯矣。
- 4. 程頤曰:大壯之道,利於貞正,大壯而不得其正,強猛之爲耳,非君子之道 壯盛也。
- 5. 序卦傳: 遯者退也, 物不可以終遯, 故受之以大壯。
- 彖曰:大壯,大者壯也;剛以動,故壯。大壯,利貞,大者正也。正大而天地之情可見矣。
- 1. 彖傳曰:陽稱大,陰稱小。大壯卦中陽氣從下而升,陽爻浸長已至於四,故稱大者壯也。而其德下乾剛、上震動,剛健而又能奮起,故壯。卦辭謂大壯,利貞者,乃說明剛大者皆應守正不阿,依正道而行。古人謂天地既大且正,生長萬物而不偏。故能保持剛大正直的氣質,展現天地之真性情。
- 2. 劉沅曰:四陽浸長,剛則能勝其人欲之私,動則能奮其必爲之志,此其所以 壯也。
- 3. 劉沅又曰:大與正非二理,不正不可以爲大,天地之情一正大而已。人能以 天地之情爲情,則剛合天德,動合天行,其爲壯也,可以配道義而塞天地。
- 4. 齊孟龍曰:大者壯,以氣言;大者正,以理言。

- 5. 胡炳文曰:孟子之論養氣曰,其爲氣也,至大至剛,此大者壯也;以直養而 無害,則充塞於天地之間,此大者正也。
- 6. 張浚曰:天地不壯無以成動出之功,君子不壯無以立朝廷之治,元氣不壯無 以保一身之安。陽勝陰,君子勝小人,正氣勝邪氣,皆大者壯也。惟不貞則 必暴、必折、必害,常逆理而違厥中,大壯所以貴正。
- 7. 馬振彪曰:理直者氣壯。理若不直,氣雖壯,只小勇耳,不得爲大壯。
- 8. 俞琰曰:復,雷在地中,天地生物之功未露,故聖人有以見其心。大壯,雷 在天上,天地生物之心已達,故聖人有已見其情。

象曰:雷在天上,大壯;君子以非禮弗履。

- 1. 大壯卦下乾天、上震雷,故有雷在天上之象。雷在天上,雷聲威動,剛健而奮起,故有大壯之意。
- 馬其昶曰:大壯二月卦,月令仲春,雷乃發聲,故曰:雷在天上。
 孔穎達曰:震雷爲威動,乾天爲剛健,雷在天上是剛以動,所以爲大壯。
- 3. 君子者觀察大壯卦雷在天上,雷聲威動,剛健而奮起之象,悟知當陽剛氣勢 強盛之時,必須遵循正道,依理而行。 ◎禮者,理也
- 4. 張横渠曰:克己復禮,壯莫甚焉。 朱熹曰:人之克己,能如雷在天上,威嚴 果決,方能克去非禮。
- 5. 王弼曰:壯而違禮則凶,凶則失壯矣,故君子以大壯而順禮也。
- 6. 孔穎達曰:盛極之時,好生驕溢,故於大壯,誡以非禮物履也。

初九,壯于趾,征凶,有孚。 象曰:壯于趾,其孚窮也。

- 1. 初九陽剛得正,本有誠信之德,但居位卑下,上無應與,卻欲有所作為,有 壯於足趾、不足以有為之象。其躁動求進必受傷害,故戒以征凶。應誠信自 守,以避凶災。
- 2. 龔原曰: 壯於趾,以剛健而行乎下也。征凶,以位不足有爲而上無應也,雖 征凶而有孚,則凶不在有孚矣。
- 3. 來知德曰:初九陽剛處下,當壯之時,壯於下者也,故有壯趾之象,以是而往,凶之道也。然其陽剛居正,本有其德,故應自信其德,以居窮困,不可

有所往,往必有凶。

- 4. 李正中曰:初九以陽居陽,大者之正。其凶非孚不足也,犯壯足之戒,恃其 孚而喪其孚也。
- 5.象傳曰:初九陽剛初壯即欲有所作為者,乃謂其有遭凶險之憂,故當誠信自守以處窮困,而善養其壯。 ◎孚窮,謂孚於窮也,即誠信自守以處窮困之意。 窮,指初九既無應援又卑下無位之困。
- 6. 黃壽祺曰:趾爲動象,初九壯于趾,猶言盛於進。陽剛初壯即動,必遭凶險。 故戒以守信不進,善養其壯。

九二,貞吉。

象曰:九二貞吉,以中也。

- 1. 九二陽居陰位,有剛中而能謙之象,能謹守正道,可獲吉祥。
- 2. 王弼曰:九二居得中位,以陽居陰,履謙不亢,是以貞吉。 劉沅曰:九二 陰位而乾陽居之,剛中有柔,壯而得中,故吉。
- 3. 易祓曰:易之諸卦,陰陽貴乎得位,惟大壯卦陽剛或過,則以陽居陰位爲吉,蓋慮其陽剛過於壯者也,故二、四爻皆言貞吉。
- 4. 象傳曰:九二能謹守正道,而獲吉祥者,乃以其陽剛得中,凡事能行其正也。
- 5. 李士鉁曰:九二陽得中位,不過乎壯,上應五陰,不恃其壯。書曰:沉潛剛克,高明柔克。傳曰:寬以濟猛,猛以濟寬。故大壯四陽爻,居陽位者凶,居陰位者吉。
- 6. 馬其昶曰:九二非正,而曰貞吉者,所謂中以行正也。行即擴充之意,能充 則可以塞天地,不能充則窮。是故九二之吉,人也,非天也。以人力勝,故 曰貞吉。

九三,小人用壯,君子用罔。貞厲。羝羊觸藩,羸其角。 象曰:小人用壯,君子罔也。

 1. 陰柔小人本身非壯,有恃於陽剛君子之應而壯。而九三陽剛當位,有應於上 六,惟其居於多凶之位,不敢妄動應上以顯其壯。當謹守正道,以防危厲。
 否則將如剛壯之羊衝觸藩籬,角受纏繞羈絆而凶厲臨身。 ◎罔,無也。用罔, 猶言不用壯也。 ◎羝,音低,公羊、壯羊也。 ◎羸,音雷,拘纍纏繞也。

- 2. 王樹枏曰:陰陽相應而壯,兩陰兩陽無相見之意曰罔。九三當壯之時,小人 恃其應而壯,而君子則不敢妄動,雖有應,若無應焉,故曰用罔。
- 3. 胡瑗曰:小人居強壯之時,動則過中,進則不顧,是猶剛狠之羊,雖藩籬在前,亦觸突而進,以致反羸其角而進退不能,凶之道也。
- 4. 象傳曰:小人當其強壯之時,動則過中,進則不顧,此乃至凶之道,故勉勵 九三當以陽剛君子自居,勿應於小人而逞其壯,而為小人所利用。
- 5.潘相曰:此與遯四反對。遯則君子退而小人否,為小人儆也。此則小人壯而 君子罔,位君子謀也。
- 6. 董仲舒曰:與其不由道而勝。不如由道而敗。不由道而勝,是小人之用壯也, 亢龍有悔也。由道而敗,是君子之用罔,乾龍勿用也。

九四,貞吉,悔亡。藩決不羸,壯于大輿之輹。

象曰:藩決不羸,尚往也。

- 九四處四陽積累最盛之時,失位而無應,本當有悔。惟陽居陰位,行不違謙,有謹守正道而不失其壯之象,故可消除悔恨而獲得吉祥。又其前遇二陰,所以能暢行無阻,猶如剛壯之羊衝觸藩籬,一觸而決,且羊角不受拘纍纏繞之困。又如大車有堅固強壯之輪輹,車行極其迅速順暢。 ◎輹,車箱下之木製器械,用以鈎住連接兩邊車輪之横軸。
- 2. 馬其昶曰:九四之貞吉即九二之貞吉也,正大之氣乃集義所生,陽積至四, 則浩然之氣莫之能禦矣,故失位之悔亡。
- 3. 馬振彪曰: 輹隨車而旋轉順行,是不用壯而彌壯也。
- 4. 劉沅曰:九四以剛處柔,不用壯而彌壯,此大壯之義也。馬振彪釋之曰:君 子有大勇,固以義理爲壯,故自反而不縮,氣雖壯,非正也,匹夫之勇不得 爲大壯也。自反而縮,理直氣壯,乃所以爲正也。
- 5. 朱熹曰:九二貞吉,只是自守而不進,九四則是有可進之象。蓋九四以陽居 陰,不極其剛,而前遇二陰,有藩決之象,所以爲進。非如九二前有三、四 兩陽隔之,不得進也。
- 6. 象傳曰:九四積陽最盛,又前遇二陰,所以能暢行無阻,猶如剛壯之羊衝觸

藩籬,一觸而決,且羊角不受拘纍纏繞之困者,乃謂其可以向前進取而有所作為。

7. 沈該曰:三陽漸進,已爲之長,率類同進,陰不塞路,四升則夬矣,是以尚往。

六五,喪羊于易,無悔。

象曰:喪羊于易,位不當也。

- 六五陰柔得中,處大壯已過之時,已不用其壯,猶如剛壯之羊已消失在疆場邊境上。又因六五不適任剛壯之位,故雖喪羊而無悔。 ◎易,通「場」,謂
 疆場邊境之地。
- 2. 來知德曰:本卦四陽在下,故曰大壯。至六五已無陽,則喪其所謂大壯矣, 故有喪羊於場之象。
- 3. 李光地曰:本卦至六五則壯已過矣,又以柔處中,則無所用其壯矣,故雖喪 羊而無悔。
- 4. 象傳曰: 六五居位已過大壯之時,猶如剛壯之羊已消失在疆場邊境上者,乃 意謂其居位不當,既以陰居陽,不適任其剛壯之位,又因四陽已過,所處非 當壯之位。
- 5. 李光地曰:位當、位不當,易例多借爻位以發明其德與時、地之相當與否。 六五之位不當,不只謂以陰居陽,不任其剛壯而已,蓋謂四陽已過矣,則五 所處非當壯之位也。於是而以柔中居之,故爲喪羊於易。

上六,羝羊觸藩,不能退,不能遂,無攸利。艱則吉。象曰:不能退,不能遂,不詳也;艱則吉,咎不長也。

 上六居大壯卦之終,處震動之極,求進心切,卻體質陰柔不剛,有如失壯之 羊衝觸藩籬,進退兩難、前後失據之象,故其無所獲利。惟其下應之九三, 具陽剛之質,若能堅貞自守以待,終有陰陽應合並進之時,則可獲吉祥。

- ◎遂,進也。
- 2. 朱熹曰:上六取喻甚巧,蓋壯終動極,無可去處,如羝羊之角掛於藩上,不 能退遂。然艱則吉者,畢竟有可進之理,但必艱始吉耳。
- 3.象傳曰:上六有如失壯之羊衝觸藩籬,進退兩難、前後失據者,乃意指其陰柔不壯卻求進心躁,考慮事情不能審慎周詳。而上六若能堅貞自守以待九三陽剛之應,終有陰陽應合並進之時,則可獲吉祥者,乃說明其所遭遇知之艱難,不會太久長。 ◎詳,審也。審慎周詳之意。
- 4. 劉沅曰:詳,審也。艱則知其難而詳審,咎自不長,所以教人善補過也。
- 5. 項安世曰:凡人處事以爲易則不詳,以爲難則詳矣。不詳則致咎則當致詳以 免咎。